

Cari calon isteri di FB

■ Pensyarah UTHM letak beberapa syarat tamatkan zaman bujang

Mohamad Fahd Rahmat
fahd@hmetro.com.my

Johor Bahru

“Saya cuma mampu menyediakan yang terbaik untuk kehidupan selepas perkahwinan termasuk rumah, kenderaan dan simpanan untuk bakal isteri dan anak, malah jika sesiapa yang sudi penuhi syarat ini, saya sudi mengambilnya sebagai isteri,” kata Dr Mohd Ariff Ahmad Nazri.

Tindakan pensyarah berusia 32 tahun itu mendapat perhatian pengguna laman sosial apabila status yang dimuat naik di Facebook jam 4.11 petang kelmarin dikongsi 900 pengguna dan mendapat 1,500 likes setakat jam 5 petang semalam sehingga tular di aplikasi sosial lain termasuk Twitter.

Mengulas lanjut mengenai tindakannya itu, anak jati Gelang Patah yang berkhidmat di Fakulti Kejuruteraan Awam dan Alam Sekitar Universiti Tun Hussein Onn Malaysia (UTHM) itu berkata, hatinya terbuka menulis status berkenaan kerana mahu menamatkan zaman bujang secepat mungkin.

“Saya anak sulung daripada dua beradik, ayah (Ahmad Nazri Wahad, 58) dan ibu (Asmah Ayob, 56) kerap bertanya bila saya mahu berkahwin kerana mereka mendapati kehidupan saya sudah stabil.

“Ini masanya dan saya



Mohd Ariff Ahmad Nazri

Jan 16 at 4:11pm · 🌐

Sy mungkin xleh nk bagi hantaran lebih dari 2k.. sy dh sediakan rumah utk kita..dh sediakan kenderaan selesa untuk kita bergerak..dah belikan steam iron yg menjadi idaman surirumah utk kemudahan kita..dah siapkan simpanan untuk pendidikan anak² kita..dah lengkapkan segala peralatan rumah utk kehidupan kita selepas kawin..bilik tetamu untuk mak ayah awk kot² die g melawat pun sy dh sediakan..boleh kan klu hantaran cuma 500 je?..

DR Mohd Ariff mahu mencari calon isteri. Gambar kecil, status yang dimuat naik Dr Mohd Ariff mengenai hasratnya untuk beristeri yang tular di Facebook dan Twitter.

menulis status itu. Pada mulanya ia dikongsi rakan dan pelajar tetapi lama-kelamaan saya tidak sangka ia tular sehingga ramai yang menghantar pesanan di peti pesanan Facebook saya.

“Bagi meredakan keadaan, saya menyah aktif sementara akaun Facebook dan menunggu keadaan reda semula barulah saya akan membuat pilihan,” katanya ketika dihubungi, semalam.

Dr Mohd Ariff berkata, dia tidak berniat menyinggung atau merendahkan mana-mana pihak menerusi

kenyataannya itu termasuk melewatkan syarat supaya bakal isterinya mestilah pemegang ijazah sarjana dan berhasrat menyambung pengajian ke peringkat doktor falsafah (PhD).

Katanya, syarat itu adalah kehendaknya semata-mata dan melakukannya dengan alasan mahu bakal isterinya memahami hakikat dan tanggungjawabnya sebagai pensyarah.

“Saya pernah bertunang

pada 2009 sebelum putus pada 2011 akibat tiada persefahaman kerana ketika itu saya sedang melanjutkan pengajian peringkat PhD, bukan masalah orang ketiga,” katanya.

Beliau berkata, tiada masalah jika bakal isterinya itu tidak pandai memasak asalkan pandai menggosok baju, berdikari dan berkeperibadi baik.